

四庫全書

史部

欽定四庫全書

史部

硃批諭旨卷一百二十六之十八

臣 永瑤 恭校

編修 臣 袁謙 覆勘

總校官中書 臣 朱 鈐

校對官中書 臣 王鍾泰

謄錄監生 臣 陸潮愈

欽定四庫全書

硃批諭旨卷一百二十六之十八

硃批田文鏡奏摺

雍正七年九月初三日河東總督臣田文鏡謹

奏為恭報黃河秋汛工程平穩仰祈

睿鑒事竊查黃河水汛平穩自本年八月初三日經臣

具摺恭

奏後隨於初六日據道廳汛員具報於八月初四日

黃河水長四尺五寸沁河水長三尺五寸等情到
臣臣即飛檄各道廳汛員加意巡查嚴行防守而
此番長水停滯積至七晝夜始行消退其低窪處
所水皆漫灘浸及堤岸數尺間有裂縫之處實屬
危險在工文武員弁俱各率領兵夫相機幫餉竭
力防護輪班分守晝夜不息隨於十一日據道廳
汛員具報黃沁兩河水勢消落歸槽工程俱各平
穩又據山東兗州府黃河同知稟稱曹縣之芝麻

莊單縣之諸望壩自八月初五日起河水陡長兩處臨河埽工間有蟄陷俱各搶築堅固現今水已消退等語又於八月二十日據陝西寧夏府知府報稱八月十一日寧夏水長二尺有餘到臣臣即移咨河東江南河臣并飛檄管河道河北道督率官弁兵夫嚴加防守臣仍飭委千把員弁往來巡查嗣於八月二十九日據管河道河北道各稟稱寧夏水汛已過目下水勢平定並無長落等情臣

查今歲寧夏水汛較多於上年惟八月初旬之水
停積七晝夜實非往常可比是以各處所報險工
甚多臣業已分檄管河河址充寧三道查看工程
危險處所乘此秋收之際多備物料其有應下長
椿大埽加鑲高厚者即確估料理以資保護其餘
偶有蟄裂之堤勢不合一俱即從新翻做夯礮堅
實務期鞏固今於九月初二日霜降已過工程平
穩此皆仰賴我

皇上至誠至敬感格

天

祖又復屢念秋汛屢頒

諭旨在工作人員無不欽遵

聖訓敬謹料理晝夜防護是以水漲雖甚於往常而堤
工各保無虞共慶安瀾也理合繕摺恭

奏仰慰

聖懷謹

奏

今歲秋汛極大一切堤工俱安堵無虞卿等之忠勤勞
效更屬顯而易見朕嘉悅之懷筆莫能罄但淮黃交會
處屢報清不敵黃深以此為憂目下雖尚無妨然不可
不預行詳籌熟計耳

同日又

奏為欽奉

聖訓據實覆奏事雍正七年八月二十四日臣齋摺家

人回豫捧到

皇上硃批諭旨臣敬啓跪讀於臣恭報黃河水汛平穩
摺內奉有

硃批臣即敬錄知會總河臣嵇曾筠并曉諭各道廳汛
外伏念我

皇上慎重河防

聖敬日躋跪讀

上諭治河之道與修身理同誠為萬世河防

至論於此識

聖心之乾惕於此仰

聖學之精微臣欽遵

諭旨敢不慎之又慎以期堤工鞏固永慶安瀾又於臣

據實覆奏摺內奉有垂詢郭朝鼎

諭旨臣查郭朝鼎才具原屬中等

聖明洞鑒毫髮無遺然臣之所取於郭朝鼎者以其在

豫五載歷任宜陽洛陽二邑并歷署州縣印務居

官謹慎辦事勤敏所到之處不獨向日之陋規悉
行禁革即一應經徵錢糧平頭火耗並無絲毫多
取是郭朝鼎雖才具不足而立志堅定操守廉潔
誠如

聖諭忠厚穩妥則有之此臣之所以敢為保奏也今蒙
皇上格外天恩陞授延平府知府自必更加感激圖報
適高其倬在京朕面詢郭朝鼎之賢否據奏操守好實
臣就其在豫居官辦事而觀似可勝延平府知府
心任事才具亦屬可用云云若然則克勝斯任矣
之任茲蒙

皇上垂詢理合據實覆

奏又於臣覆

奏豫省秋收及東省收成摺內奉有

硃批臣伏念天人感應之理昭如影響絲毫不爽然惟
皇上之至誠至敬感格

天

祖是以東省豐登為數十年來所未有臣雖懷犬馬報

主之誠猶慮不能奉行

聖訓宣布

聖化乃蒙

皇上聖不自聖推美臣工近奉

恩旨又蠲免東省雍正庚戌年額徵錢糧四十萬屢荷
聖恩高厚疊蒙

溫語褒嘉臣實感悚無地除會同山東署撫臣恭疏
題謝

天恩外臣惟有欽遵

諭旨益加敬畏勉之弗怠焉。所有奉到原摺理合恭

繳為此謹

奏

覽

同日又

奏為奏請酌增豫省運漕腳價仰祈

睿鑒事竊照豫省漕米向惟河北三府辦運本色而河南州縣均徵折色仍在河北三府採買甚為河北

官民之累經臣於雍正六年具

題將河南州縣一例復徵本色以均勞逸又按道里
遠近米石多寡除加一五耗米外酌給腳價在於
鹽驛道及各府直隸州充公鹽規銀并漕糧節省
項下耗羨內動支給發奉

旨依議欽遵在案是以雍正六年漕米較之往年兌運
尤早而米色亦較往年乾潔民樂輸將官無賠累
實為永遠可行之法惟是臣彼時所議車腳僅數

其用不能裕如各州縣雖收加一五耗米而交軍之時有零星席片等費約除耗米五升所餘止一斗耗米核銀不過七分上下車脚未免拮据臣查各府州鹽規及糧道鹽務奏銷共歸公銀一萬三千五百六兩又新任鹽驛道到任賀禮銀九百五十兩又漕糧節省項下耗羨銀二千九百八十二兩通共銀一萬七千四百三十八兩零查雍正六年辦漕共支用脚價銀一萬七百九十八兩又雇

募剝船剝淺敲冰等項共用銀一千三百七十二兩二共銀一萬二千一百七十兩零餘剝銀五千二百六十七兩臣思公項既有贏餘安敢不推廣皇仁將運漕腳價奏請酌增以使雇用裕如謹按原定腳價每錢酌增三分通共加銀三千二百三十九兩零查每歲除鹽驛道新任賀禮銀九百五十兩另計外約贏餘銀四千三百餘兩除此加添車價銀三千二百三十九兩零尚餘銀一千餘兩存貯

道庫或遇河水甚淺之年其挖淺築壩等費較多
於常歲以及河須挑挖之時可以酌量動用如此
則州縣雇覓車輛更屬裕如不致藉口拮据日久
生弊而官民均沐

皇上浩蕩之弘恩也臣仰體

皇上愛恤臣民辦公務使寬裕立法務期永遠之

聖意是以恭摺

奏請倘蒙

恩允臣將奏准緣由咨部倘案是否可行伏乞

聖裁謹

奏

運價克裕方久遠行之無礙應加增者辦理甚屬允當

同日又

奏為奏明存貯入官硫磺仰請發給各營以資火藥

需用事竊查豫省界連晉省硫磺係山西澤州陽

城縣所產陽城百姓及豫省接壤之懷慶府濟源

河內孟縣等縣之民每有違禁私販經地方官查拏詳報因各人販磺不多而律載私自販賣磺者問罪磺入官等語隨將販磺之犯照違制律杖責案由外結所以入官之磺俱解貯開封府庫自康熙五十九年起至雍正五年陸續獲報各案共積存磺一萬一千六百六十八觔臣業已移咨山西撫臣嚴禁私磺不許出境在案但臣思所貯磺乃係禁物民間不得貨賣難以變價其性

又易引火恐有他虞現在各營操練兵丁演放烏

鎗礮位製備火藥均須購買硫磺而此項獨委積

料理

甚是但不知此項硫磺部中曾否有案或應具本

題明

無用未免可惜臣請將前項入官硫磺酌量分發

臣

標及城守營并南北兩鎮各營合成火藥以為

演放烏鎗礮位之用則各營製造火藥既不必另

行購買硫磺而存貯之磺亦不致積於無用實於

營伍有裨臣再查河東兩省各鎮標營演放鎗礮

所需火藥或扣留空名兵糧製備或鎗礮手兵丁

自行製備不獨兵丁有賠墊之累而用少扣多兵

非實用是以臣標俱係臣動支養廉銀兩捐給今
此乃各省相沿向來舊例仍令營伍中自行製備為是
約計河東兩省各鎮標營所需一切火藥火繩鉛
暫時幫助則可若竟動用公項代辦他省相形之下殊
彈等項每年需費不及四千金儘足敷用仰請
多未便也
皇上天恩動用存司公項銀兩給發製備則營伍無侵

扣之弊兵丁無賠墊之累實為

恩便臣謹繕摺一併

奏請伏乞

聖裁謹

奏

覽

同日又

奏為奏明事竊照整飭吏治全在得人前因東省員缺甚多需員甚殷經署撫臣布政使費金吾札商奏請

聖恩簡發人員以資委用臣隨札致費金吾令其具摺

奏請茲蒙

皇上將盛開池等二十員

命往東省令臣酌量委署試用茲據各員陸續到豫臣
逐加驗看將居官辦事到任交盤審理命盜稽查
保甲察革陋弊約束家人衙役懲治豪惡土棍并
徵收錢糧初任規矩等項逐條逐項諄切教導而
盛開池等亦能領悉似可造就臣遵

旨一面將各員酌量委署試用視其到任後果否勝任

或有人地不相宜者另行改用臣恐在豫路遠一時見聞未確業已切致費金吾留心體察再加甄別統俟察試確實人缺酌定後再行具

題再臣前奏東省流抵一案茲據費金吾稟稱事經二十餘年案至二百餘件前撫臣陳世倌草率具題於前塞楞額踵訛分追於後司卷既多殘缺院卷亦復不全密諭州縣衛所檢送舊案多與院司各冊不符復又弔取府卷查對其中舛錯之處已

得大槩有實係虧空而捏造流抵者有前任流抵而開追後任者有上司行文動用而開追下屬者有因扣公捐各項作為流抵開追者事久弊深不得不慎之又慎徹底清查總在金吾力任其事惟期再寬二三月之限等語臣查此案年久弊深案多更易清理誠為不易非該司如此細查不能得其端委非該司以藩司而署撫篆亦不能將兩衙門案卷查追不遺非該司不辭勞苦不避嫌怨亦

不能使二十餘年之積案究查明確臣觀費金吾
自上年奉

旨調補東藩之後事無鉅細悉心經理即今暫署撫篆
其撫衙門事務亦無不竭力整飭總由其感激

聖恩圖報心切故事事殫誠努力不敢自懈也臣因東
省吏治時厯

聖懷臣見今次

命卿總督河東上行下效早知必有此番整頓朕喜之
命往人員皆可造就而費金吾在彼又能實力整頓臣

久矣 不禁私喜是以一併奏

聞伏乞

睿鑒謹

奏

費金吾於此一任方見實心奉職朕亦極加獎譽但目
今湖壯上江兩省不得其人意欲於此二處酌量相宜
命往撫治所遺藩司員缺以孫國璽代之卿意以為何
如又有人言費金吾精神不足者不知確否查奏以聞

同日又

奏為恭謝

天恩事雍正七年八月十五日准兵部咨內開欽奉

上諭阿里袞因伊父病故奏請給假三月料理喪事著

准假三月令其來京杭州將軍印務著性桂署理其

河南城守尉印務於副都統白成額未到之先著總

督田文鏡暫行管理欽此等因到臣臣隨恭設香案

望

闕叩頭謝

恩訖伏念臣一介庸愚至微極陋荷蒙

皇上委遇之隆信任之深銘心刻骨感激難言今副都

統臣阿里袞補授杭州將軍因伊父病故奏蒙

恩准給假復奉

諭旨命臣暫行管理河南城守尉印務聞

命之下感悚交并總之臣受

皇上隆恩天高地厚早夜思維無可仰報惟是河東兩

省滿漢文武官弁仰體

聖意時刻留心體察臣觀阿里衮才具精明操守謹慎
勤敏老幹虛己和平在任將及二載約束官兵操
演營伍實屬才守兼優之大吏益由其平日仰荷
天恩感戴至切是以無事不實心辦理茲復蒙

聖恩補授杭州將軍則伊愈加感激更必奮勉圖報而
臣益仰我

皇上知人善任

至聖至明至公至當也再查城守尉衙門向無題奏之

例臣管理城守尉印務遵例不敢具本恭謝

天恩除將接印任事日期咨報兵部外謹繕摺恭

奏伏乞

聖鑒為此謹

奏

朕因阿里袞居心誠懇擢用今職然尚恐其不克勝任殊不料才具操守竟能若是也覽卿所奏曷勝愉愜之

至新任白成額朕觀非實心任事之人甚欠妥協卿於其到豫後再三勸勉諸凡行為稍有不及阿里袞處即直言規正倘不肯聽受憚於遷改據實具奏以聞

雍正七年九月二十一日河東總督臣田文鏡謹奏為欽奉

上諭事雍正七年八月初四日准吏部咨內開欽奉

上諭河南府知府員缺著田文鏡於通省屬員內揀選題補欽此等因到臣伏念知府一官上寄督撫監司

之耳目下為州縣牧令之表率所係綦重臣安敢
不矢公矢慎以求至當惟查通省屬員內凡府佐
貳及直隸州知州等俱皆尋常供職難膺知府之
任查請

旨事案內令各省督撫酌量題缺多少將現任屬員內
選擇保題以備直隸州之用經臣於雍正七年七
月內將輝縣知縣張鏐湯陰縣知縣張瀚太康縣
知縣程秉禮等一併保題部議准其保題送部引

見奉

旨依議欽遵在案今各員交代清楚現在給咨赴部引見臣查輝縣知縣張鏐居官謹飭辦事勤慎人亦老成湯陰縣知縣張瀚居官勤慎才幹精明太康縣知縣程秉禮辦事明白才守穩妥此三員者均堪選拔但臣知識淺陋未必有當一經

聖明洞照則衡鑒精微絲毫不爽用適其才而於地方

大有裨益仰請

皇上於張鏐張瀚程秉禮引

見之時

欽定一員補授河南府知府

鴻恩出自

聖裁臣未敢擅便為此謹

奏

候引見時酌定有旨

同日又

奏為據實奏

聞事竊照豫省南汝一帶壤接江楚民俗刁悍素稱難治前任南汝道孫蘭芬極力整飭事皆就理臣因山東登萊青三府為海疆重地去豫更遠較之南汝尤為緊要必得精明強幹之員方可以任要缺而資整理是以

題請將孫蘭芬調補登萊青道而以登萊青道李英調補南汝道嗣該道於未到豫之前因其原任袁

州府任內為清查地畝一案部議降一級調用奉
旨李英著問田文鏡如居官好能勝道員之任著降一
級從寬留任如係尋常供職之員即照部議降調欽
此臣因李英前任登萊青道時雖囿於習氣未能
整理地方但其年力尚壯湏俟到任後再加策勵
試驗臣隨遵

旨覆奏容俟李英到南汝道任後臣再加策勵以觀後
效如不能勝任另當奏

聞奉

旨將李英降一級從寬留任欽遵在案臣思該道以降

調之員蒙

皇上從寬留任自應感激

聖恩努力圖報乃該道於赴任時一入所屬地方州縣
供給酒席等項無不收受及至信陽州界見執事
轎傘非係新製即怒形於色向州牧云難道你備
辦了本道就還不起麼等語該州隨差役回州喚

集工匠連夜製備一新又甫經到任即向信陽州知州郭士英借銀二百兩又因屬員謁見不給宅門家人規禮該道再四查問道役稟稱係臣久經革除因而中止總之器小識鄙狃於積習既不能正已又安能率屬及該道入場監試與臣朝夕共事幾及一月臣又加察試見其才具平常識見淺陋實不勝南汝道之任茲因該道及濟東道張體仁失察歷城縣陳世正家被盜諱強為竊案內部

議降調俱奉

旨詢問居官如何之處除臣會同山東署撫臣費金吾題覆外在臣受

恩深重無可圖報時時仰體

皇上愛惜人才曲為造就之

聖意是以將該道李英初請調任南汝繼請再觀後效今雖到任未久臣既察試其不能勝任實不敢苟且姑容貽誤地方所有李英居官平常才識鄙細

之處理合繕摺據實奏

聞伏乞

聖鑒謹

奏

李英材器原屬庸下不堪乃昔日藩邸舊人為朕所深知者因詢之歷任上司皆言克勝厥任姑懷疑暫留此奏朕深為嘉悅候另有諭旨

同日又

奏為欽奉

上諭據實覆奏事雍正七年八月初九日接到大學士

臣馬爾賽張廷玉蔣廷錫寄字內開欽奉

上諭昔年

聖祖皇帝巡幸時地方官員等預備行宮為

駐蹕之所後因閒設多年該地方修葺防護未免又多一

番經理經督撫等奏請改為公所朕已允行此皆體

恤官民之意也至於

龍亭及

御碑亭之在地方者該有司等應當加意防護即畧為修理費亦不多近聞間有損壞之處無人管理修葺朕若明降諭旨則督撫等甚覺無顏爾等可密寄信與之欽此仰見我

皇上孝思純篤

睿念周詳優待臣工包容至凡為督撫者伏讀之下孰不感愧交集臣查豫省自康熙四十三年

聖祖仁皇帝巡幸一次原建有

龍亭

御碑亭臣自蒙

恩撫豫及總督以來留意檄飭各屬隨時修葺令人經
管是以並無損壞之處今欽奉

諭旨復札諭各屬令其加意防護毋致損壞以仰副我
皇上至仁至孝昭垂萬世觀瞻之

聖意除東省地方臣已札致署撫臣費金吾外所有欽

奉

諭旨事理相應據實繕摺覆

奏伏乞

聖鑒為此謹

奏

諒卿敬慎有素自必留心經管前旨為聞江南地方荒廢而發也

同日又

奏為遵

旨密議覆奏事雍正七年九月初一日接到大學士臣
馬爾賽張廷玉蔣廷錫寄字內開本年八月二十
二日奉

上諭科臣顧祖鎮條陳果否可行爾等抄錄寄與總督
田文鏡令其密議具摺回奏欽此并抄錄禮科給事
中臣顧祖鎮原奏到臣查條奏內稱弭盜之法先
嚴窩盜之家而窩盜之人半屬掛名之役查各省

督撫司道以下其書吏衙役皆有經制定額不容
冒濫而有一等游手好閒無業貧人每於額設吏
役之下空掛一名書吏則為貼寫為掌案下役則
曰幫役曰白役小則希免差徭大則借端生事自
恃衙門情熟因而包攬錢糧把持行市窩娼窩賭
無所不至而猶未遂其欲每與捕役上下其手窩
頻盜賊發縱指示名曰放線所獲之賊盜得其三
彼得其七且以語言恐嚇事主令勿報官即使事

發而州縣捕役向為一線串通或以強為竊或故意縱放有司為之掣肘百姓被其擾害臣請嗣後各省掛名書役嚴行禁革照額設之數每名止許添一人幫辦一正一副可不誤公現在掛名書役悉令歸農則窩盜之人少而盜藏身之地亦少矣等語臣查掛名書役各處皆有如科臣顧祖鎮所奏貼寫掌案幫役白役等名色則皆非掛名書役也蓋貼寫乃甫經學習幫寫文移之人掌案則久

於衙門熟諳章程辦理稿案之人幫役白役即各役內之副役跟隨正役以効奔走之人皆非徒掛空名者也所謂掛名書役者乃足跡不至衙門經年不見本官不知辦案為何事差遣為何事按冊有名服役無人惟津貼紙筆之費以幫辦事書役此則為之掛名書役也查各衙門書役除州縣書役近在本處向不換班外其督撫司道府書役皆散處各屬率分為上下班輪流辦事若按經制額

定之數每名再添一人則各衙門不過寥寥數人
安能辦公無誤即如臣衙門經制書吏上下兩班
每班十名共二十名今現在辦事書吏頭班二班
俱有百餘名是較經制十倍有餘事務殷繁尚苦
趕辦不及若以一正一副計算每班不過二十人
以百餘人辦理不及之事而欲責成於一二十人
其可得乎由此而推則各衙門書吏以一正一副
留用乃萬萬不能之事其貼寫一項跟隨學習幫

寫文移及閱歷日久漸次明白即接辦事務是今日學習之貼寫即將來辦事之經承而且書寫需人不能草除者也經制典吏役滿出缺新募典吏何能辦理文案故必需熟諳書辦職掌稿案無掌案則事務茫然是又掌案之不能草除者也至若幫役白役專視差遣之繁簡如差多事繁正役不能親身出差因有幫役白役為之代勞上司稽查不嚴本官有意徇縱則一票到手便為利數所至

之處如狼似虎恣意勒索正副分肥臣深知其弊
是以嚴禁司道之差下許下府州府州之差下許
下屬縣其有萬不得已之事必須差提者則令所
差之衙門將差役姓名報臣查考如犯有需索之
弊必痛加懲處所以一年之內各衙門之差提甚
少差既絕少利何從覓正役之盤費尚且竭蹶何
能更養副役此又幫役白役不禁而自除者也至
掛名書役既不服役衙門其所以掛此空名者蓋

亦有故或家有田產藉以支持門戶或居鄉被人
欺凌藉以擋抵外侮具呈投認之後必行地方官
查其身家是否殷實有無過犯違礙取具印甘各
結方准註冊雖人之誠偽難必大抵皆有產業之
人也若科臣所奏是乃市井無賴一無恒產之窮
民不但不能掛名於官并書役亦不肯與之為儔
又豈能把持行市窩匿娼賭使令盜賊其他包攬
錢糧等事更不必言矣要之窩盜通盜第一係不

法捕役其次則不肖營兵與勢豪土棍臣雖不敢
謂掛名書役中必無窩盜之人然如科臣所奏窩
盜之人半屬掛名之役去掛名之役即少窩盜之
家實非確論臣愚以為但當嚴查其行止以分別
去留如平時果有生事把持等類不但掛名書役
急當革究即現在辦事之書役亦當革究若實係
安分自守藉支門戶以禦外侮雖有書役之名實
與農民無異似可不必盡行革除蓋司道府衙門

書吏本無額設工食又有紙筆等費既將各項陋
規裁革不許受賄作弊若併此掛名津貼亦為革
除則紙筆之費亦無從出矣況各衙門書役實非
一正一副所能辦理所有科臣顧祖鎮條奏盡除
掛名之役止留一正一副之處應毋庸議臣實智
識淺陋緣奉

旨令臣密議具奏謹將在外辦事書役及掛名書役原
委據實備陳覆

奏是否有當伏乞

聖裁為此謹

奏

所議甚透可謂剖析無遺其原奏寢而不發矣

雍正七年九月二十九日河東總督臣田文鏡謹

奏為欽奉

聖訓據實覆奏事雍正七年九月二十二日臣齋摺家

人回豫捧到

皇上硃批諭旨臣敬啓跪讀於臣恭報黃河秋汛平穩
摺內欽奉

硃批今歲秋汛極大一切堤工俱安堵無虞卿等之忠
勤勞效更屬顯而易見朕嘉悅之懷筆莫能罄但淮
黃交會處屢報清不敵黃深以此為憂目下雖尚無
妨然不可不預行詳籌熟計耳欽此竊念今歲秋汛
雖大仰賴我

皇上至誠感格

天

祖默佑得保平穩乃蒙

君臣原屬一體何有彼此之分朕據事論功道其實耳
皇上聖不自聖推美臣工而又以清水不能敵黃目下
非推美於卿等也設遇不忠不勤之輩朕即欲獨擅其
雖尚無妨不可不預行詳籌熟計我

美而亦豈可得乎
皇上屢念河防未雨綢繆實深且至也臣查江南清口

為淮黃交會之區必淮強河弱始可以敵黃濟運

雖河水本強淮水本弱但黃水從清口橫過淮水

從清口直出其直出之勢實強於橫過之勢我

聖祖仁皇帝睿慮周詳特命堅築高家堰蓄其水勢使淮
可謂大奇此段議論與朕前日面諭孔毓珣者如出一
口令其堅築土堤再將石工加高數層總命伊於到仕
築高家堰實敵黃第一要務也臣又查淮瀆發源
後酌量措施於河南桐柏縣如河南汝潁等水皆匯歸於淮又

如臣前歲

奏請挑濬之賈魯河其上流諸水俱歸於賈魯河由
朱仙鎮周家口入淮皆所以濟清而敵黃者也臣
於治河之道本未通曉然就臣所知似可無煩

聖心過慮也至豫省工程臣已屢行檄飭凡險要工程
或用長椿大埽或應加鑲填墊務各及時料理停
妥又令多備物料以為來年桃伏秋汛之需總期

安瀾永慶仰慰

如是籌計周詳朕懷實慰

聖懷又於臣奏費金吾摺內欽奉

硃批命卿總督河東上行下效早知必有此番整頓朕
喜之久矣又奉

硃批費金吾於此一任方見實心奉職朕亦極加獎譽

但目今湖北上江兩省不得其人意欲於此二處酌
量相宜命往撫治所遺藩司員缺以孫國璽代之卿
意以為何如又有人言費金吾精神不足者不知確
否查奏以聞欽此臣思撫藩重任用人大權鑒拔出
自

聖明臣何人斯而蒙

皇上如此信任如此

垂問臣伏讀之下實不知如何而可以仰答

聖恩者也臣查費金吾自調山東布政司及今暫署撫
篆誠如

聖諭方見實心奉職臣思費金吾此番之矢志報效實
由我

皇上格外施恩特加

褒獎中心感激之所致今又蒙

聖恩欲用以為巡撫則費金吾之感激圖報不知更當
何如也第查湖壯上江均屬封疆重任自應敬聽

諭旨遵行然臣又不敢不為費金吾擇其人地相宜者

奏請

聖裁也費金吾本為歷練老成之人事務亦甚明白惟
所慮恰與朕意相合

其性情尚有遲回不決偏聽瞻顧之處其在東省

尚屬臣之所轄稍有未協臣即規正至若上江則

獨斷獨行恐其不能悉出於至當惟湖壯與督臣

邁柱同駐一城時相見面可以化其偏而歸於正

我

皇上慎重封疆特欲擢用費金吾臣亦深愛其才但所
非不欲出於至公至正總緣欠至誠耳
欠者恐不能事事出於至公至正臣深知其為人

不敢不於

君父之前據實直陳倘蒙
自當多方訓誨以策勵之
皇上嚴加訓誨使其中心凜惕力改舊習又我

皇上造就生成之隆恩也至費金吾精神外觀雖似不
揆宜處事全賴精神果如所奏甚善朕亦以此詢問伊
足然今以藩司而署撫篆猶能辦理無誤可知其
本人矣

精神尚堪應付也再藩司一官為通省錢穀庶務

之總匯責任綦重況東省正在整理之際尤非他
省可比非有精明幹練之才任勞任怨之志而又
肯實心任事者不足以收實效臣查孫國璽居官
謹飭操守廉介固屬實心報

主之員況屢蒙

聖恩拔擢不數載而以縣令洊至藩司受

恩既深其圖報自切也昨署撫臣岳濬自陝回東便道
於浙於閩兩任甚好此人卿其加意訓勉以造就之將
至豫與臣相見臣與細言東省近日政治岳濬深

來可望成器
感

天恩大有助臣整理之意更得好藩司以代費金吾則
遠可為臣耳目近可為署撫臣指臂其有裨吏治
欣悅覽之
實非淺鮮茲蒙

皇上垂詢理合據實覆

奏又於臣奏謝署理城守尉印務摺內欽奉

諭旨朕因阿里衮居心誠懇擢用今職然尚恐其不克
勝任殊不料才具操守竟能若是也覽卿所奏曷勝

愉愜之至新任白成額朕觀非實心任事之人甚欠
妥協卿於其到豫後再三勸勉諸凡行為稍有不及
阿里袞處即直言規正倘不肯聽受憚於遷改據實
具奏以聞欽此臣查副都統白成額於九月十五日
到任臣即於是日將城守尉印務交受接見之時
聆其言語觀其舉動似不及阿里袞之老成諳練
伏讀

聖諭益信我

皇上明同日月無遠不照至臣受

恩深重無可仰報凡遇滿漢文武官弁無論新舊同寅

屬下不避嫌疑不顧直率即宣布

朕亦有訓伊之旨諒其接任後自當徐告卿知卿此勸
聖恩諄切開導以冀其共圖報效是以白成額到任之
勉與朕所以訓伊者不約而相符誠可謂深知朕心矣
日臣已面將阿里衮在任如何約束官兵如何操
朕曷勝欣慰

演營伍一一詳悉告知今欽奉

諭旨敢不再加勸勉直言規正如果不肯聽受憚於遷

改容臣據實奏

聞又於臣奏明存貯入官硫磺仰請給發各營以備火藥等事摺內欽奉

硃批料理甚是但不知此項硫磺部中曾否有案或應具本題明或應咨部分發斟酌合例為之欽此臣查此項硫磺原屬百姓私販地方官拏獲到案照律杖責將硫磺入官存貯向來杖責人犯俱係督撫外結並不報部部中並無檔案是以歷任撫臣俱將此項硫磺給與標營合製火藥自臣撫豫以來

臣標施用火藥係臣動支養廉銀兩捐給製備惟
上年操演車陣取用八百觔臣思此項硫磺存積
日久部中並無檔案不便遽爾題明咨部臣是以
奏明

皇上分發各鎮標營以為製造火藥演放鎗礮之用於

營伍不無裨益今欽奉

若然則料理極當從前情節朕原不知
諭旨合將不便題明及達部緣由據實覆

奏再陞任登州鎮臣萬際瑞

奏明東省沿海礮臺應建出礮城之外等因並繪圖
進

呈荷蒙

皇上發下令臣畫一修理再加斟酌而行竊念海疆事

宜臣蒙

聖恩總督山東時刻留心而沿海礮臺臣於上年巡視
海疆時即見有建在礮城之內者亦有建在礮城
在外方可向東西施放而臺內地方更屬寬展莫言無
之外者臣細酌情形在內在外似無區別今欽奉

區別也
諭旨遵即一面轉行知照一面斟酌料理理合先行覆

奏所有奉到

硃批原摺并萬際瑞原摺圖式一併恭繳為此謹

奏

丙夜燈下逐條省覽二批示矣

同日又

奏為恭報蘭陽工次化險為平官民共慶

聖德光昭事雍正七年九月二十五日據下南河同知

劉永錫報稱竊查黃河自蘭陽北岸銅瓦廂流至朱家莊又自朱家莊流至南岸文家寨東流至四水口復從四水口流至朱家寨週圍環繞計長四十五里中隔乾灘二里有餘河勢兇灣不能暢行以致上流停壅屢生新險蓋因大河逼近大堤埽灣迎溜勢極危險數載以來每遇水長必需加謹防護以禦黃流大河形勢自蔡家水口對面至耿家水口河勢兇兇迎溜衝射隣近大堤甚為險要

連年將耿家水口支河堵斷不致掣溜向南今歲
伏秋水勢甚大逐漸坍塌河崖塌去百餘丈切近
耿家水口支河壩工於九月十九日仍復坍塌正
在躊躇欲於支河壩頭下埽裏護修建挑水壩以
防河勢侵汕將繩纜長樁料物等項俱已預備齊
集相機修做今耿家水口支河壩止頭於十九日
大溜仍走南崖於二十日酉時大河水勢緩流自
銅瓦廂以下朱家寨之北河流直趨將舊有乾灘

刷透竟成新河一道順勢東流從前灣遶之大河
淤斷不流竟成清水新開之河面寬百十餘丈深
一丈六七尺不等大溜順流東下往來船隻行於
其中舊日之河遶行四十餘里今新開之河取直
只有數里舊河淤墊將來竟成陸地可供耕種蘭
陽之工化險為平官民兵夫人等莫不感頌

聖德歡呼載道等情具報前來復據管河河北兩道具
報無異臣查蘭陽銅瓦廂至朱家寨從前河勢兇

灣遶行四十餘里河流壅滯易於生險每年極力
防護幸保無虞今不勞人力不費帑金天然新開
引河一道一旦成功實出

神助在工官民兵夫人等無不傳為罕見此皆仰賴
我

皇上廛念河防至誠至敬感格

天

祖是以

神靈默佑化險為平河流循軌萬年底定并舊河淤
墊成地將來可供耕種則樂利攸資安瀾永慶而
豫省官民共祝

聖天子萬壽無疆之福矣臣不勝懼忤慶賀之至理合
繪圖進呈

御覽為此謹

奏

蘭陽工段化險為平實可慶幸朕以手加額覽焉

雍正七年十月二十四日河東總督臣田文鏡謹
奏為遵

旨覆奏仰祈

聖裁事竊照河南南汝道李英居官平常才識鄙細臣
於奉

旨詢問案內據實奏

聞奉

硃批諭旨李英材器原屬庸下不堪乃昔日藩邸舊人

為朕所深知者因詢之歷任上司皆言克勝厥任姑
懷疑暫留此奏朕深為嘉悅候另有諭旨欽此仰見
我

皇上至聖至明臣下賢否悉在

睿鑒之中今奉

旨將李英草職其員缺著臣於河南山東知府內揀選
題補伏念臣一介庸愚荷蒙

聖恩如此信任臣敢不矢公矢慎詳加揀擇以仰副我

皇上為地方得人之

聖意查南汝道員缺實為緊要臣於河東兩省知府內
再四揀選惟河南開封府知府董自超老成持重
廉謹勤慎在任兩載實心任事秉公察吏毫無欺
飾實為賢能之員以之補授南汝道必能整綱飭
紀表率屬員有益地方如蒙

皇上恩允則開封府知府一缺地居省會庶務倍繁且
有南壯兩岸河工亦屬要缺臣仰體

天心慎重地方謹一併遴選冒昧奏請

聖裁查開封府下南河同知劉永錫年富力彊志勤才

敏於雍正四年十二月內黃河澄清該員遲報一

案經前任總河臣齊蘇勒

題叅奉

旨草職留任今經兩載臣留心體察該員感激

天恩倍加奮勉晝夜勤勞風雨不避於凡河工事務實

力辦理相度平險斟酌機宜修防護之法較前

更為練達河員內無出其右者且能虛衷學習留心吏治實為可造之才但其草職之案尚未開復臣不敢遽以知府

題補可否仰懇

皇上天恩令其署理開封府印務則一府所屬南北兩岸工程俱可資其料理固於河工有益而該員在豫年久於開封地方事務寮屬賢否習見習聞更於吏治有益臣從前屢奉

諭旨揀選知府因河工緊要不肯使之遠離是以未將
該員

題補別府今在開封既可經理郡務仍得兼顧河防
用是不揣冒昧奏請

聖裁除恭疏具

題并給咨赴部引

見外謹繕摺恭

奏董自起可否補授南汝道劉永錫可否署理開封

府知府

弘恩出自

聖主臣未敢擅便為此謹

奏

好具題到日有旨

同日又

奏為欽奉

聖訓據實覆奏事雍正七年十月十六日臣齋摺家人

回豫捧到

皇上硃批諭旨臣敬啓跪讀於臣覆奏黃河秋汛平穩
摺內欽奉

硃批君臣原屬一體何有彼此之分朕據事論功道其
實耳非推美於卿等也設遇不忠不勤之輩朕即欲
獨擅其美而亦豈可得乎又奉

硃批可謂大奇此段議論與朕前日面諭孔毓珣者如
出一口令其堅築土堤再將石工加高數層總命伊

於到任後酌量措施又奉

硃批如此籌計周詳朕懷實慰欽此臣伏念

君臣之間本無彼此惟我

皇上為堯舜之君斯臣遂得為

堯舜之臣是臣等蒙

恩褒美實由

皇上至美無加在

天心廣大視臣一體原非推美於臣工而臣亦不敢於

君父之前稍有虛飾也再高家堰為全淮堤防實關緊要我

皇上睿慮周詳早已

廛念高堰

特命河臣孔毓珣於到任後酌量再將石工加高數層

則高堰堅固清水恒強而臣於十月初十日飭委前因覽卿之奏朕意決定無疑業經降旨遣差京官四員飭發庫帑百萬命往堅築高家堰堤工矣若待孔毓疏黃河同知陳儀等查勘淮河各上游之水務使疏濬深通匯歸於淮上源既盛下源又有高堰以蓄

珣奏到然後施行恐誤今冬辨料大凡善政須貴勇為
既知當為矣又復逡巡無怪事功難就所以古人每有
勘明後應行疏濬之處容臣另行奏
後時之戒此番速舉似與河防大有裨益也
聞又於臣覆奏費金吾摺內欽奉

硃批所慮恰與朕意相合又奉

硃批非不欲出於至公至正總緣欠至誠耳又奉

硃批自當多方訓誨以策勵之又奉

硃批揆宜處事全賴精神果如所奏甚善朕亦以此詢

問伊本人矣欽此仰見我

皇上睿照無遺絲毫不爽臣查費金吾為人所欠者實係至誠二字即如東省積年舊欠多係衙役侵收捏欠朦混經臣嚴檄司道府州嚴行糾察徹底清查但各官均有失察之咎臣思東省正在清查錢糧之際正欲各員自為覺察詳報之後若即以該員失察

題叅恐別員畏懼處分反為蠹役徇庇不實力察報

臣是以於本年八月內具摺奏請

聖恩暫緩題叅乃費金吾於九月二十八日將衙役侵蝕各官失察一案繕疏

題叅後始將會稿送到臣處令臣註題臣思此案已經具

奏在先不敢前後互異以欺

聖明且查署撫臣岳濬於九月二十九日回任若云錢糧事件急需

題叅則同屬公事同屬

朝廷臣子費金吾於藩司衙門內既已具詳自應聽岳
濬具題何必於岳濬回任之前一日以並未會題
之事而詭云會題即此一事誠如

聖諭總緣欠至誠之明驗也臣深知其為人是以前摺
內仰請

皇上嚴加訓誨今蒙

自必訓誨但肯遵從與否要觀伊之福量何如耳果為
恩允從此費金吾力改舊習無欺無偽皆我
福量所限即費金吾自欲強勉亦恐不能然斷難逃朕
皇上造就生成之隆恩也又於臣覆奏孫國璽摺內欽

之覺照也
奉

硃批近於浙於閩兩任甚好此人卿其加意訓勉以造就之將來可望成器又奉

硃批欣悅覽之欽此臣查孫國璽固屬實心報

主之員況屢蒙

皇上拔擢受

恩既深圖報自切是以浙閩兩任實為好官臣欽奉

諭旨自當加意訓誨俾之奮發砥礪銳志向上一以仰副

我

皇上造就人材之

聖意又於臣覆奏副都統白成額摺內欽奉

硃批朕亦有訓伊之旨諒其接任後自當徐告卿知卿
所陳奏與朕所以訓伊者不約而相符誠可謂深知
朕心矣朕曷勝欣慰欽此伏念內外大小臣工無一
不蒙

皇上訓誨一經

聖恩教導倍加敬凜白成額既奉有

諭旨自必感激奮勉日漸妥協至臣不過仰體

天心宣布

聖德以冀共圖報效而已乃蒙

更當欣幸耳何惶悚之有

溫語褒嘉惶悚無地又於臣覆奏山東沿海礮臺摺內

欽奉

諭旨在外方可向東西施放而臺內地方更屬寬展莫
言無區別也欽此臣查沿海礮臺一案臣業已檄行

山東布政司照會登鎮斟酌料理俟詳覆到日容

臣另摺覆

奏又奉

硃批丙夜燈下逐條省覽一一批示矣欽此仰見我
因燈燭之下字畫潦草恐卿慮及朕之精神不到故有
皇上盱食宵衣敬勤無逸實為自古聖帝明王所未有
前諭非欲示朕之精勤也
獨念我

皇上以天縱之聖九重之尊尚夙夜勤勞兢兢業業凡

為臣子者反志在宴安惟圖暇逸不惟有負

聖恩亦何顏仰對

皇上臣惟有敬誌

諭旨益加黽勉而已所有奉到原摺理合恭繳謹

奏

黽勉不倦固屬美行雖然卿年齒已高諸凡當量力而為不可勉強勿將精神浪費於瑣屑處此非自圖暇逸乃為國家愛惜精力多延歲月庶可布化宣猷以無負朕康濟蒼生之意也

雍正七年十一月初七日河東總督臣田文鏡謹
奏為恭報河東兩省雨雪日期仰祈

睿鑒事竊查本年九月二十三日豫省獲有瑞雪經臣
恭摺具

奏茲據豫省合屬具報於十月初五初六十四等日
各得雨入土二三寸不等又據東省合屬具報於
十月十四十五十六等日各得瑞雪二三寸不等
兩省獲此雨雪土脈滋潤麥根堅固理合繕摺恭

奏仰慰

聖懷為此謹

奏

如是希微雪雨少資沾潤而已恐無濟於事也

同日又

奏為臬司關繫綦重職守務在得人據實奏明仰祈
聖鑒以收實效事竊臣查山東按察使公元前蒙

皇上簡授河南按察使於未到任之前經臣具摺恭

奏請以河南糧儲道陳世倌補授河南按察使其時
山東按察使吳昌祚亦尚未到任臣復請以公元
改補山東按察使仰蒙

皇上俞允並欽奉

硃批諭旨公元亦係一老成人原欲令卿就近體驗今
既懇請改補山東同為所轄地方均無不可須極力
加以教誨然後令往果否稱職更留心試看具奏以
聞欽此仰見我

皇上眷顧優隆推誠逮下臣欽遵

諭旨留心試看公元到任以來人止謹厚才不優長所辦一切案件不能詳慎平反摘發姦隱止據府縣審定供招依樣率轉臣屢為指駁令其更改臣又敬遵

皇上聖諭極加教誨不但時行牌檄嚴加申飭又復數致手書諄諄戒勉並札致前署巡撫臣費金吾就近開導冀其練習精進無如限於才力終無斟酌

盡善之能且少精明振作之氣臣何敢瞻顧因循
聽其曠廢職守所有試看公元不能勝任情由理
合據實

奏明惟是臬司一官刑名總匯民命攸關不但通省
之獄情藉其研審核擬伸冤理枉而且有鋤強剪
暴之權禁姦察吏之任苟非強毅幹練之才聽斷
精詳之識安能昭雪明允有以上勦

聖化今山東藩司荷蒙

聖恩特簡孫國璽補授已慶得人惟臬司尚乏幹員臣
再四思維誠有不得不仰懇

聖慈者伏查山東鹽法道唐綏祖才識優卓奉職勤敏
去歲兩署臬篆辦理有效今夏又經臣

奏明將東省叅案委令審理已據陸續審解情罪相
符而於所屬官員尤能體訪明確以之讞獄察吏
洵其所長又山東登萊青道孫蘭芬操守謹嚴強
幹明白不避嫌怨亦有折獄之才又豫省河汴道

朱藻自蒙

天恩留任以來矢心圖報夙夜精勤釐姦剔弊吏民咸
深畏戴以上三員皆臣深知灼見之人於臬司一
官均堪勝任臣蒙

皇上高厚隆恩畀以兩省封疆重任山左距臣為遠尤
藉賢員以資助理今公元不能勝任其山東按察
司可否於此三員之中仰請

聖恩簡用一員則東省刑名不致叢脞吏治民生均有

裨益莫不仰戴

天恩於無既矣是否允協伏候

聖裁謹

奏

朕原料公元不勝臬司之任所奏嘉悅覽之就此三員
內而論惟唐綏祖最佳候另有諭旨孫蘭芬性過於急
不宜執掌刑憲朱藻遷轉似覺少驟且河北現屬要任
再令供職數年然後陞擢亦不為遲今或調用鹽道猶

可卿其斟酌宜否援旨具奏

同日又

奏為奏明事竊臣才質庸陋忝膺兩省封疆重任惟有日夕黽勉不敢少自暇逸以期仰副

皇上委任眷顧之至意臣偶於十月初三日微冒風寒適值武闈屆期自初六以至十二等日協同南陽鎮臣馬世龍考取頭二場騎射技勇十三日入闈考試策論十九日放榜所感微寒場中調攝已愈

旋署之後不自經意復於二十六日時作寒熱兼
之咳嗽頭暈數日以來服藥調治一切應行公事
臣仍支持辦理惟恭逢

萬壽聖節及長至令旦臣當首引僚案歡呼颺拜而公
所嚴肅之地誠恐起跪趨蹌有失禮儀是以敬於
臣署恭設香案望

闕叩頭惟念

朝賀大典中外同慶而臣以犬馬之疾不能趨班拜舞

此臣之心凜咫尺而踧踖靡寧者也所有未及率

班

卿年已高邁理應如是節慎向後諸凡處不宜強動審

朝賀緣由理合

擇輕重量力而為庶不違負朕意愛惜精神為國家久

奏明伏乞

遠報效方為克盡臣職也

聖鑒再臣此番感冒係河南按察使陳世倬與臣診視

陳世倬明於醫理用藥精細臣服其方劑甚有效

驗今風寒已散現在調補日見痊可臣蒙

皇上天恩養至厚保護至周深恐

上聞有塵

聖念臣心益切不安謹一併

奏明為此謹

奏

至平復如初時奏朕知之此種寒證若愈後調理得法
併夙疾俱可望霍然頓除設或攝養失宜亦大為將來
之累極加慎重可也陳世倅雖云諳於醫藥恐其臨證
日少仍選擇良醫須平昔所熟識者二人與之叅酌

方劑為要酬酢事務切戒勉力支持以致耗損精氣縱至稍有遲誤何傷乎卿其遵旨毋違



硃批諭旨卷一百二十六之十八

欽定四庫全書

史部

硃批諭旨卷一百二十六之十九

臣 永瑤 恭 校

編 修 臣 裴 謙 覆 勘

總校官中書 臣 朱 鈐

校對官助教 臣 卜 惟 吉

謄錄監生 臣 許 蔭 培

欽定四庫全書

硃批諭旨卷一百二十六之十九

硃批田文鏡奏摺

雍正七年十一月十六日河東總督臣田文鏡謹
奏為恭報得雪日期仰祈

睿鑒事雍正七年十一月十五日據臣齎摺家人回豫
稟稱

奏事轉傳

上諭山東地方得過雪了聞有五六寸京城得雪也有五六寸保定府一帶得雪有一二寸你回去說河南一得了雪即寫摺子奏來欽此仰見我

皇上厯念民瘼各省之一晴一雨無時不上繫

聖懷今豫省於十一月十四日早天試微雪及至十五日子時大雪普降至十六日子時方止其十五日午時以前所落之雪隨下隨融俱已浸潤入地午時以後之雪始得存積至十六日子時已厚五寸

有餘合計融過之雪共得雪八九寸是日彤雲密布雪勢甚遠兼以無風所積之雪不至吹散滲沃土膏均霑透足臣於十五十六兩日每早遣人四出踏看城鄉百姓共稱瑞雪應時咸皆以手加額歡呼欣幸在我

皇上深宮垂念方眷注於豫省之人民一誠格

天即兆錫豐年之景象

諭旨方傳瑞雪普降

聖天子存神感召徵應之速一至於此臣惟有與豫省

官弁兵民共頌

皇仁高厚仰祝

萬壽無疆而已竝據開封府屬各縣報到得雪尺寸俱

各相同其餘各府州縣俟其報到容臣另摺奏

聞所有得雪日期理合具摺

奏報仰慰

聖懷為此謹

奏

從前雪雨雖微再得此番接續諒應透足矣若果通省
均霑朕懷欣慰何似

同日又

奏為欽奉

上諭事竊照發遣廣西人犯達色馬守柱蔡登科耿桑
格六格太監吳守義霍成心懷怨望捏造悖逆之
言沿途布散一案前奉

諭旨令臣明白開導解送人員將所聞伊等捏造悖逆之語一一據實說出臣即欽遵

聖諭訊明解役弁兵所聞悖逆之言於雍正七年九月二十二日經臣恭摺奏

聞續據確山遂平西平臨潁等縣汝寧襄城二營據兵役將所聞達色等悖逆之語一一說出解臣親訊臣復再四開導密加詰訊據供所聞悖逆之言大概與臣前摺所訊兵役之供相同并據供稱這些

悖逆的話小的們實說不出口等語夫以兵役之
微尚知尊

君親

上深明大義以語涉誣妄不敢肆口直言而達色等受
國厚恩乃敢悖理逆

天造言誣

聖此等病狂喪心之語更甚於犬吠狼嗥臣訊問之下
不勝切齒痛心何敢屢形紙筆再瀆

天聽理合據實覆

奏為此謹

奏

提解各犯到京一一詰訊俱已供認更有夢想所不到
奇怪可笑誣捏誹謗之語朕皆逐條分析特降諭旨通
行直省一體曉示料卿所聞悖逆情詞大抵不出各犯
在京所吐之供可謂至矣盡矣而無以復加矣錄來亦
不過付之間覽耳

同日又

奏為欽奉

聖訓據實覆

奏事雍正七年十一月十五日臣齎摺家人回豫捧
到

皇上硃批諭旨臣敬啟跪讀於臣覆奏摺內高家堰石
工一條欽奉

硃批前因覽卿之奏朕意決定無疑業經降旨遣差京

官四員飭發庫帑百萬命往堅築高家堰堤工矣若待孔毓珣奏到然後施行恐誤今冬辦料大凡善政須貴勇為既知當為矣又復逡巡無怪事功難就以古人每有後時之戒此番速舉似於河防大有裨益也欽此臣捧誦之下仰見我

皇上聖謨宏遠此舉利益萬世永慶安瀾竝恭繹大凡善政須貴勇為之

訓益見我

皇上至聖至明但有利於國計民生之處不惜浩費不
緩湏臾總由

天心默運斷以

乾剛合之千古大聖人出其聰明才智立德立功以與
天地同其悠久者先後誠若一揆也又於臣覆奏
費金吾一條欽奉

硃批自必訓誨但肯遵從與否要觀伊之福量何如耳
若果為福量所限即費金吾自欲勉強亦恐不能然

斷不能逃朕之覺照也欽此仰見我

皇上愛育臣工生成造就不憚

訓誨諄諄費金吾倘稍有欺飾之心

皇上日月之明無微不燭自不能逃於

鑒臨之下也又於臣敬覆

皇上燈下所批之

諭旨復欽奉

硃批因燈燭之下字畫潦草恐卿慮及朕之精神不到

故有前諭非欲示朕之精勤也欽此臣跪讀之下聲
淚俱墮我

皇上日總萬幾燈下猶自披閱不輟乃以

御書字畫恐臣仰念

聖躬此非深鑒臣心犬馬戀

主之微何能

垂注至此也但臣素知

皇上乾行日健福履時綏惟是

宵衣旰食之餘猶不肯少自暇逸雖純一無間

九重不自覺其勞而微臣瞻仰之餘誠不能不彌深其

欽誦也又奉

硃批黽勉不倦固屬美行雖然卿年齒已高諸凡當量力而為不可勉強勿將精神浪費於瑣屑處此非自圖暇逸乃為國家愛惜精力多延歲月庶可布化宣猷以無負朕康濟蒼生之意也欽此臣益感激無措不知所言伏念臣至愚至陋仰蒙

皇上昇以兩省重任寸心圖報無刻可安惟有竭蹶

勉以副

聖明眷顧之隆昨因武闈之後重冒風寒業經調治痊

可臣恐有塵

聖念是以繕摺奏

當於溫室中安居靜攝加意調養須待平復如初方
聞近日精神已復惟氣體稍弱現在小心調護茲讀
可出戶行動即遇元旦朝賀之期亦不必勉強從事敬
皇上聖諭顧復懇至雖為
君盡禮不在叩拜儀文上諭定但遵旨行縱令無知之
君父之誨臣實逾慈母之愛子嗣後之精神皆為圖報

聖恩之精神嗣後之歲月皆為圖報

聖恩之歲月臣敢不謹凜

聖訓量力自愛以期無負

聖主撫育之鴻慈也所有奉到原摺理合恭繳謹

奏

覽

日前所保縣令昨到京引見朕於三員中觀程秉禮人甚明白氣度從容雖未見可大用處儘堪勝府道之任

將來尚望其長進張鏐張瀚殊屬平庸不過謹守繩墨
牧令之才耳未必克勝表率之職朕係一時鑒別偶爾
評論固非卿明試以功之可比無如舉止應對之間局
量顯然易見卿再留心驗視自當洞悉不然前濟南之
缺即於此二員內簡用一員矣

雍正七年十一月二十七日河東總督臣田文鏡
謹

奏為續報豫省各屬得雪分寸竝東省得雪日期仰

祈

睿鑒事臣查雍正七年十一月十五日開封府並所屬各縣得雪霑足業經恭摺奏

聞茲據通省各府州縣陸續報到於十一月十五日普沾瑞雪各得五六七八寸不等四野沾濡麥根深固又於十一月十九二十及二十一二十二二十三等日各屬復有得雪二三寸四五寸不等者豫省之雪今已均被霑足理合繕摺續

奏仰慰

聖懷又據東省各屬具報亦於十一月十五日各得雪

四五寸及二三寸不等理合一併奏

聞伏乞

睿鑒謹

奏

應時之雪兩省均被朕懷深慰不復為河東厯念矣

同日又

奏為欽奉

聖訓據實覆

奏事雍正七年十一月二十五日臣齎摺家人回豫
捧到

皇上硃批諭旨臣敬啓跪讀於臣奏明感冒風寒未及
率班

朝賀摺內欽奉

硃批卿年已高邁理應如是節慎向後諸凡處不宜強

動審擇輕重量力而為庶不有負朕意愛惜精神為
國家久遠報效方為克盡臣職也欽此臣以犬馬之

微重蒙

天恩恭養自顧駑駘不堪驅策惟報

主微誠根於天性雖筋骨就衰而血誠彌篤敢不祇遵
聖訓努力自愛以副

聖主保護無已之

深恩以伸微臣無窮之至願耶又奉

硃批至平復如初時奏朕知之此種寒證若愈後調理得法併風疾俱可望霍然頓除設或攝養失宜亦大為將來之累極加慎重可也陳世倅雖云諳於醫藥恐其臨證日少仍選擇良醫湏平昔熟識者一二人與之叅酌方劑為妥酬酢事務切戒勉力支持以致耗損精氣縱至稍有遲悞何傷乎卿其遵旨毋違欽此仰見我

皇上慈懷周摯至論精微臣伏讀之下能不感激涕零

竊臣之病今已全愈惟元氣尚未全復現在加謹
調攝進服補劑蒙我

皇上恩賞內府人參功效更倍不日之間即可調理如
初今新愈之後飲食更覺甘美但不敢過於饜足
至於陳世倅臨證原少誠如

聖明洞鑒但其醫理確有根據而於傷寒一門尤為辨
別精細所治雖無多人然每有診視無不應手霍
然臣初起病時據云六脈浮沉皆帶洪數實因感

冒之中又加感冒熱邪為風寒所鬱由淺入深遂
自少陽直達陽明胃經所以用小柴胡湯合甘露
飲重加生地黃連以守陰兼用知母黃柏以治胃
依方服之半月有餘脈靜身涼諸證悉平近則與
之參酌補劑服亦相安竝有向日所知之江南醫
者一人共為商酌總之臣身至微

君恩至重臣亦不敢以犬馬圖報之軀而輕付於碌碌

欣悅覽馬

庸醫之手有負我

皇上眷顧之隆也至於兩省事務臣雖不敢過於勉強然儘可照常次第辦理但因新愈之後又蒙

聖諭諄切令加謹慎臣益當小心調護現在謹避風寒不敢即出堂審事所有豫省應審事件臣謹遵

旨暫緩但山東解到叅案數件隔省路遠不便令其守候臣暫委河南按察司陳世倬就近代臣審取確

供臣仍加覆核斟酌具

如此從權方好切勿勉強從事近日頗有通行恩旨卿題相應

其遵奉行之
奏明伏乞

聖鑒又於臣奏明公元不勝山東臬司摺內欽奉

諭旨朕原料公元不勝臬司之任所奏嘉悅覽之就此
三員而論惟唐綏祖最佳候另有諭旨孫蘭芬性過
於急不宜執掌刑憲朱藻遷轉似覺少驟且河北現
屬要任再令供職數年然後陞擢亦不為遲今或調
用鹽道猶可卿其斟酌宜否援旨具奏欽此仰見

皇上至聖至明無遠不照唐綏祖補授按察司實足勝

任孫蘭芬性原過急而近年以來亦漸次和平朱藻遷轉少驟河北要地亦不可乏此幹員至於鹽道一缺裕課恤商禁私剔弊尤關緊要兼之山東登萊青三府所屬蓬萊等一十六州縣俱係濱海地方民竈雜處地多鹹鹵以鹽為業各州縣從無商人賣鹽銷引雖有商民報部而其辦納鹽課有向在地丁攤徵者有民竈均辦民攤地丁竈按戶口者有貧民小販領票賣鹽辦課者各有不同相

沿已久且通省鹽法向來積弊多端自上年奉

旨清查而諸弊顯露湏得歷練老成識見明敏之員任
以運使協助鹽臣整飭俾之裕課便民臣查登州
府知府楊弘俊才幹練達人亦端方謹飭莅任登
郡將及三載所屬八縣均有民竈雜處其於行鹽
辦課事宜亦能周悉情形以之補授山東鹽道洵
屬人地相宜容俟部咨到日臣謹遵

旨繕疏題請恭候

聖裁合先奏明伏乞

睿鑒謹

奏

山東鹽道員缺已有旨命卿題補矣部文到日指名奏請可也

同日又

奏為奏明事竊臣於去歲奉

命節制山東凡關吏治民生無不加意整飭而地方營

伍臣又時刻繫心蓋東省武弁闖茸成習兵丁偷情相安是以臣諄諄誡諭務期杜虛冒嚴剋扣勤加操練不許滋事擾民再東省各營器械多不如式旗幟多有朽舊盔甲鎗鍋帳房等項率多鏽缺不全臣於去歲赴東身歷各營親自查看其所不及身歷之處委官分查明確當即檄行兗登兩鎮飭令添補修理查議造冊去後至次年三月內始據兗州鎮臣岳含奇將所屬十四營路添造帳房

器械等物數目清冊咨呈前來臣查所送冊內竝
不將現存原物分別堪用不堪用酌量修補但據
各營混造槩稱另製恣意繁費殊不妥協隨經逐
一指駁行令悉心確議據實另造呈送嗣因逾久
不覆又經疊次檄催延至十一月十五日始將清
冊送到竝據該鎮稟稱本職所屬十四營路凡應
添應造之軍需事宜已於今年正月內

奏明欽奉

硃批諭旨諸事與督臣田文鏡悉心商酌若能聽伊指示實力奉行自然得是當勉力為之欽此今將清

冊呈奪等情到臣臣捧讀

諭旨不勝悚異查各營軍需臣於去歲檄行修理今年

正月該鎮又自行奏請奉有

硃批理應欽遵實力奉行竝即與臣知會以便遵

旨商酌加謹辦理早為奏

聞何竟任意延擱遲至經年之久始將

硃批錄送到臣而且稟內又稱前奉飭查造冊業經核減畫一因赴省監射以故遲遲等語查臣於三月內將冊駁回另造該鎮於十月內赴省監射武場中間相距共計七箇月有餘豈有一冊不能更造妥確而尚借監射之事以飾其遲延之咎不但見其居心之欺詐而更見其掩匿之愚庸況所送到之冊尚未核減妥定容臣確酌畫一統與登鎮之冊一併再為

奏明臣又查去歲覆奏請

訓摺內欽奉

硃批岳含奇亦經調用山左不過庸常之器

命臣更加試看欽此仰見

聖明洞照絲毫不爽臣訪得今年四月內該鎮中營撥

兵劉得勝王弘志等強賃生員尚弘賓之房居住

又該鎮所轄泰安營兵丁姚四馬守業等於本年

閏七月內強拉民婦袁氏飲酒袁氏不允即行兇

毆撕衣又該鎮衙門官頭周道生各汛駐防千把
皆趨奉之每將娼婦扮作良婦用車拉載送與道
生嫖宿又該鎮管廚家人周佐亦時常出外與水
夫董玉之妻姦宿該鎮均無覺察又該鎮所屬弁
兵臣去歲在東考驗技藝多屬平常經臣勒限三
箇月務令學習嫻熟而今年每次送考員弁仍未
見其優嫻昨據保送千總張文煜年滿赴部經臣
考驗弓馬不堪當即駁回註冊現准部覆在案夫

考驗之兵丁皆其挑選精嫻者然後呈送而現任
來考之千把又係管兵教習之人所有技藝均屬
如此則營中之兵丁不能訓練精熟已可槩見臣
查整飭營伍寧謐地方乃鎮臣之首務岳含奇分
應感激

天恩加意奮勉俾營伍日有起色方不忝於職守今臣
見其所轄兵丁時復生事家人官頭亦無約束而
弁員技藝不能督率精嫻乃至欽奉

諭旨之事亦且任意疎忽耽延臣事事不敢欺瞞

聖明兼以欽奉

諭旨命臣試看理合繕摺一一據實奏

聞伏乞

睿鑒謹

奏

岳含奇原屬庸材前諭甚明況又目不識丁但念係岳
鍾琪之姪其方寸中未必即忍負朕卿其再加訓誡驗

視聞各鎮皆係本標中軍主持事務或將其中軍員缺
選補一妥協幹練之人俾令匡救其失更命岳濬留心
幫助以觀後效

雍正七年十二月初八日河東總督臣田文鏡謹
奏為恭謝

天恩事雍正七年十二月初七日臣齎摺家人回豫恭
捧

康熙二十年前
皇上賜臣微紅京米二斗火腿六隻鴨子四隻野雞十

皇考臨

幸豐澤園於稻田中偶見一穗與衆稻迥異

特命記

秦事傳取次年春選擇膏壤佈種方得此米是乃

上天

所賜之奇穀嗣後

御廚

此米熬粥甚好最易剋化汝主初當病愈以此米做

敢輕

粥食之相宜并賜汝主火腿鴨子野雞等物欽此臣

此種

隨跪接進署恭設香案望即朕當日藩邸亦不能得

關叩

頭謝以豇豆水淪煮其色更紅其味更厚卿如喜

恩祇

領訖竊臣仰邀內倉頗多非復似前難得矣

聖眷頻蒙

頒賜有加無已復蒙我

皇上念臣痊愈方新

特賞御米做粥香滑津潤容易尅化而

天廚珍品下逮微臣何人斯一飲一啄之微俱在

聖慈垂注之中曲體周至百感難鳴臣惟有竭盡駑駘

以圖仰報

天恩於萬一耳所有感激微悃理合具摺

奏謝伏乞

睿鑒為此謹

奏

覽卿奏謝知道了

同日又

奏為欽奉

聖訓據實覆奏事雍正七年十二月初七日臣齋摺家

人回豫捧到

皇上硃批諭旨臣敬啟跪讀於臣覆奏摺內欽奉

硃批當於溫暖室中安居靜攝加意調養須待平復如初方可出戶行動即遇元旦朝賀之期亦不必勉強從事敬君盡禮不在叩拜儀文上論定但遵旨行縱令無知之輩妄生訾議有朕為卿作主也何妨欽此

臣跪讀

聖諭仰見我

皇上無時無事不為臣慮及深遠

天恩高厚感激涕零但臣自十一月下旬以後神氣如

常身體漸旺飲食亦復如舊惟足力少軟尚未能步履往來今荷

聖慈垂念預飭元旦叩賀亦令不必勉強臣屆期自量可以行禮臣當親詣公所率班颺拜倘或趨蹌未逮臣即恪遵

諭旨不敢強自支持謹於臣署恭設香案望闕叩頭以伸犬馬微誠總之人臣事

君惟在矢誠自信浮言妄議上有

聖明臣不敢沾沾顧慮負

覽奏欣慰特為卿有通飭諭旨頒發直省矣

皇上眷注之隆也又欽奉

硃批日前所保縣令昨到京引見朕於三員中觀程秉
禮人甚明白氣度從容雖未見可大用處儘堪勝府
道之任將來尚望其長進張鏐張瀚殊屬平庸不過
謹守繩墨牧令之才耳未必克勝表率之職朕係一
時鑒別偶爾評論固非卿明試以功之可比無如舉
止應對之間局量顯然易見卿再留心驗視自當洞

患不然前濟南之缺即於此二員內簡用一員矣欽
此仰見

皇上甄別精明毫髮不爽程秉禮辦事明白人亦和平
恬靜氣度安閑將來洵有長進今蒙

特授河南府知府實勝表率之任張鏐才非卓越但居
官謹飭辦事勤慎且能力行保甲具見實心張瀚
則才情頗有辦事亦勤惟氣象粗浮有欠沉重在
州縣之中均堪稱為優卓而於表率之任局量未

稱仰蒙

聖諭指示臣當留心再為驗視所有奉到原摺理合恭

繳伏乞

睿鑒謹

奏

人實難知遷改尤難限量亦不可因朕一時之甄別遂
永奉為衡鑑也

同日又

奏為遵

旨編輯訓示初任規條恭呈

御覽仰請

睿裁事雍正七年閏七月二十九日臣欽奉

硃筆諭旨朕於即位之二年冬間念及州縣各官比皆
初任諸多未諳或偶因才力心思一時不到致被叅
黜人材殊屬可惜特命朱軾沈近思二人追憶向日
已所閱歷如塾師訓蒙一般指示莅事臨民法則綴

緝成書以為新進楷模續因朱軾丁憂而又久病且筆下亦甚艱澁沈近思復經物故所以蹉跎至今未就昨李衛來京陛見言及此事伊奏稱曾有訓誡屬員一冊隨進呈朕覽披閱之下尚覺不甚愜意況亦非開導初任語句卿歷外任多年甚諳練吏治可於政務之暇悉心著作一部差人齎進朕彙集各處所擬於中採擇裁定然後降旨刊布大抵不過如何交盤如何催科如何驗傷如何靖盜以及查詰吏胥姦

欺等類耳欽此仰見我

皇上加意人才弘施造就留心吏治牖啓愚蒙本惟精
惟一之心傳立作君作師之治統洵足以超越千
古帝王甚

盛舉也惟是臣幼未讀書壯而筮仕雖自縣佐洊陞
州縣敬歷中外忝竊封疆是皆仰蒙我

聖祖仁皇帝綦養於前我

皇上超擢訓誨於後虛糜廩祿逾四十餘年所謂夙夜

匪懈靖共爾位者臣實未敢有以自信蓋心雖黽勉而才有未逮事雖更歷而識則未精今蒙

諭旨下頒

命以著作以備採擇庸庸鄙闇何克仰承

聖意但臣莅豫七載舉凡施政用人一切見諸行事者

無非祗凜

皇上之訓誨以為遵循竊取

綸言之緒餘以飭官吏謹將臣平時告誡屬員中擇其

事宜切近於初任州縣者共計編輯二十條畧加
點定以成章句蓋以欽遵

上諭訓蒙之意俾新進者先識其端而已深慙固陋未
有發明無以上副

聖天子誘掖整飭之盛心好問察言之至意旦夕惴惴
不勝悚慄敬繕一冊恭呈

御覽是否有當伏候

睿裁所有奉到

硃筆諭旨并浙江督臣李衛訓誡屬員一冊相應一併
恭繳為此謹

奏

冊留中候詳覽有旨

同日又

奏為東省修建倉廩恭請

聖訓遵行事竊查積貯所以儲

國用倉廩原以資蓋藏仰蒙我

皇上聖明洞照

特頒上諭凡各省未有倉廩之州縣著詳細查明商酌
即行建造其建倉之費或動正項錢糧或支給存公
銀兩酌量本地情形悉心定議具奏欽此臣查豫省
倉廩數年以來經臣

奏明動用公項修建在案惟山東倉廩向因該省各
項穀石有存價未買者有應追民欠者有虧空在
官者有撥借未還者實在存貯無多所以各屬倉

廩竝不詳請修建而存貯之穀或借困民房或寄
頓寺廟甚至天堆露積漠不關心因循相沿洵非

憶卿

一日茲行據山東布政使費金吾詳稱東省應貯
奏朕曾有減貯之議何得尚存三百餘萬之多
倉穀通共三百三十一萬七千七百八十一石零

各屬舊有倉廩四千一百七十五間又應行修理
之舊倉五百五十二間又入官房屋堪改倉廩二
十四間又各員墊銀新建倉廩二百四十三間又
糧道修理德常二倉六十二間以上各倉竝官房

改廩每間貯穀多寡不等共堪貯穀二百三萬五千六百二十九石零尚餘穀一百二十八萬二千一百五十二石零照河南建倉每間貯穀五百石為率應添建倉廩二千五百七十二間但此倉廩止貯現存穀石一遇盤查交代未免翻騰露積亦應照河南酌建餘倉凡貯穀四萬石以上者建餘倉三間三萬石以上者建餘倉二間一二萬石者建餘倉一間計通省應建餘倉一百四十六間其

酌估

建正倉餘倉每間酌給工料銀十五兩其應修倉

之價毋乃太減乎恐不敷用

廠照建倉工料酌量減半給銀七兩五錢入官房

屋改作倉廠又可減省大半每官房一間給修改

銀三兩至各員新建倉廠係急公墊用應照添建

工料銀數給還又添建通省正餘各倉每倉基一

間應酌給地價銀一兩以上添建修理地基共估

需用銀五萬一千二百七十一兩東省現有存貯

公用銀兩可以動支無庸動用地丁錢糧並聲明

東省濱海州縣衛所地皆沙礮民無陶冶若倉廩
必令覆瓦未免購運他處又滋脚費即用海草亦
堅實經久每草房堪貯穀五百石者發工料銀十
三兩等情呈詳前來臣查修建倉廩必須蓋造完
固以重民儲尤必核實工料勿滋浮冒今據所報
現有倉廩是否實在數目有無隱漏應建應修有

此論無混捏臣現在委員分頭確查取結其濱海地方
是當之極宜持定主見勿被搖惑莫因節省些微
雖無陶冶但海風甚高草縱堅實終不如瓦之經

致悞積貯大事必用瓦覆方為妥協久况倉廩期於完固似未便惜此購運之費現飭

查議另估至於添建倉基其無官地者自應置買

民地如有官地可建蓋者另當查明節省統俟工

竣報銷臣逐項確查一一核實取具細冊送部不

敢令有浮冒賠墊以及派累滋擾草率修理等弊

再動用銀兩現有歸公耗羨自不須動支地丁但

東省倉穀欽奉

諭旨令於今歲買足臣現在嚴飭採買均須倉廩堆貯

若俟確估到日會疏具

題未免需時遲緩相應將修建情形奏請

所請甚是應飭令速行預辦毋遲

聖訓即飭令動支銀兩買備物料一至春融便可興工

修建是否允協伏乞

睿鑒為此謹

奏

覽

雍正八年正月初二日河東總督臣田文鏡謹

奏為恭謝

天恩事雍正七年十二月二十六日臣齋摺家人回豫
捧到臣覆奏摺內欽奉

皇上硃批諭旨覽奏欣慰特為卿有通飭諭旨頒發直
省矣欽此臣復接准部文跪讀通頒

諭旨仰見我

皇上仁育萬類體恤羣工

特沛曲全之恩

弘施寬大之典內外文武諸臣罔不仰蒙

怙冒惟是

溫綸下逮實由犬馬微軀上厪

聖念

皇上欲厚其恩於臣而遂廣其恩於天下是天下臣工
共戴之恩皆臣一人身受之

恩也臣跪讀

恩旨敬捧

硃批感激

恩隆手足莫措不知作何圖報方能仰酬萬一臣自立
春以來氣體復元步履漸健十二月二十二日封
印之期臣即出堂照常行禮恭逢元旦令節臣謹
率同文武官員敬詣公所望

闕
賜拜恭行

朝賀禮儀謹一併具

奏上慰

聖慈所有微臣感激微誠理合恭摺

奏謝伏乞

睿鑒為此謹

奏

覽奏知卿步履如常朕心深為欣慰雖然仍當加意節
慎不可稍涉勉強

同日又

奏為恭報得雪日期仰祈

睿鑒事臣查豫省得雪勻足經臣於雍正七年十一月
二十七日恭摺奏

聞茲於十二月二十七日復降瑞雪自子至酉得雪三
寸二十九日天氣晴明和氣噓暖當此春回地脈
之初麥苗欣榮而瑞雪應時滋潤長養甚為有益
適值年節民間睹此五風十雨莫不慶戴

天庥咸歌樂利所有開封省城得雪日期理合恭摺奏

聞仰慰

聖懷謹

奏

覽奏得雪情形并民間年景朕懷曷勝愉悅昨歲實未料直省普遍沾沐

天恩至如此優渥也

同日又

奏為欽奉

聖訓據實覆奏事雍正七年十二月十五日二十六日

臣齋摺家人前後回豫捧到

皇上硃批諭旨臣敬啓跪讀於臣謝

恩摺內欽奉

硃批康熙二十年前

皇考臨幸豐澤園於稻田中偶見一穗與衆稻迥異

特命記取次年春選擇膏壤佈種方得此米是乃

上天所賜之奇穀嗣後

御厨四十餘年悉炊此米作膳後始漸廣然掌管之員不

敢輕以畀人以故外邊罕見即朕當日藩邸亦不能得此種也若以豇豆水瀹煮其色更紅其味更厚卿如喜食候更陸續賜來今內倉頗多非復似前難得矣欽此臣跪讀之下感悚伏地竊念

聖祖仁皇帝德位名壽超隆千古實

上天篤生之

大聖人是以

穹蒼協瑞特於豐澤園中產生奇穀以供

玉食此誠

尚方珍品世所罕覲者我

皇上藩邸之初尚難多得此種今臣屢蒙

恩賚又

諭以陸續更賜雖

天恩高厚有加無已但微臣福薄實驚逾分也又於臣

體

奏明試看岳含奇摺內欽奉

硃批岳含奇原屬庸材前諭甚明況又目不識丁但念

上

天許是之人然後從而賞賚罰亦如是

係岳鍾琪之姪其方寸中未必即忍負朕卿其再加
訓誠驗視聞各鎮皆係本標中軍主持事務或將其
中軍員缺選補一妥協幹練之人俾令匡救其失更
命岳濬留心幫助以觀後效欽此仰見我

皇上推恩逮下造就成全之

聖意臣當謹遵

諭旨隨事誠勉其現任中軍遊擊李登華經臣考驗尚
堪任使臣惟諄諭該遊擊實心任事俾該鎮得收

臂指之助如其不能協助容臣另為選擇奏

聞至撫臣岳濬與該鎮誼關手足又在同省自應共相

砥礪若再蒙

皇上諭旨則岳濬益當留心相幫該鎮益知努力自奮

也又臣覆奏張鏐張瀚二員欽奉

硃批人實難知遷改尤難限量亦不可因朕一時之甄

別遂永奉為衡鑒也欽此仰見我

皇上慎重人材誠恐偶有掩抑惟是

聖明藻鑑原屬精當不爽今張鏐張瀚臣現再加驗視
是

如能奮勵自進臣亦不敢匿其所長有負以人事
君之義又於臣奏明修理東省倉廩摺內欽奉

硃批憶卿奏朕曾有減貯之議何得尚存三百餘萬之
多欽此查臣前於均勻貯穀案内除民欠虧空及減
貯外核明存倉穀一百九十三萬八千一百四十
七石零存價應買穀一百二十一萬八千九百二
石零二共穀三百一十五萬七千五十石零此外

將價銀提解司庫因未准部覆之先各屬有將應
解價銀已買穀收貯并應追民欠穀石今共計穀
三百三十一萬七千七百八十一石零此乃已經
減貯之數也今除舊有各倉並官房改廩共堪貯
穀二百三萬五千六百二十九石零尚餘穀一百
二十八萬二千一百五十二石零均須建倉堆貯
共應添建正倉二千五百七十二間餘倉一百四
十六間是以前摺敬謹

今始洞悉原委
奏明又欽奉

硃批酌估之價毋乃太減乎恐不敷用欽此仰見我

皇上明無不照體恤周至之盛意惟是東省此價係照

此議

河南建倉之例酌估但各省物料價值貴賤不一

文廟工

甚是不但兩省物料貴賤不一且東省現今修理
修建倉廩必須堅固經久其每間工料銀十五兩

更昂

應酌增者
俟工竣核實報銷造冊送部又欽奉

硃批此論是當之極宜持定主見勿被搖惑莫因節省

些微致誤積貯大事必用瓦覆方為妥協欽此臣查

濱海風高海草難以經久所建倉廩臣已飭查另

務俾

毫無侵耗為要莫惜小費致令草率從事

估槩令用瓦所有購運之費不無加增容俟酌估

到日臣再恭摺奏

聞又欽奉

硃批所請甚是應飭令速行預辦毋遲欽此臣謹欽遵

聖諭當即檄行山東藩司一面動支歸公耗羨銀兩分

發各屬預為採辦物料轉瞬春融即可興工不敢

令其少有稽延也所有奉到原摺理合恭繳伏乞
睿鑒謹

奏

覽

雍正八年二月初一日河東總督臣田文鏡謹

奏為欽奉

上諭事雍正七年十月初四日臣准部咨修治直隸山

東江南三省道路一案奉

旨爾工部即行文三省動正項錢糧乘此農隙之時派
委賢員作速興工務於明春雨水前告竣朕仍遣員
往查其修過橋梁道路等項著照爾等所請交與各
該地方官隨時修整并令新舊交代永著為例欽此
欽遵咨移到臣臣隨檄行山東布政司遵照轉飭
各地方官上緊興工其橋梁道路務令修築堅實
恪遵

諭旨務於雨水前告竣竝飭道府等官不時嚴行查督

又經節次檄催去後嗣據各屬前後具報應修道

漿凍

路俱照原估修治平坦培墊高厚一律完竣惟有

不黏自然之理

橋閘等石工歲底洩寒凍漿灌砌難以堅固物料

購備停妥請候春融動工等情臣復飭司委員查

勘竝於本年正月初七日選委臣標把總分路前

往東省將修完道路逐一查驗并將未完橋梁等

工趁此春融立即催其加添工匠趕修完固統俟

修理報竣到日臣再另行恭

奏緣奉

諭旨務於雨水前告竣所有道路修完橋閘石工現在

催修情由合先

奏明仰慰

聖懷伏乞

睿鑒謹

奏

乘時興工先修道路可謂得緩急之宜卿所屬境內豈

止此一二事妥協已也

同日又

奏為奏明事竊臣於雍正七年十二月十四日准浙
江督臣李衛咨開訪獲江省謀為不軌匪犯甘鳳
池訊據供稱從前犯過一念和尚案內夾過兩次
馬臬司開脫有夏林生係南京人在河南固始縣
賣花樹生理他說城內有一周姓富家與現獲南
京周崑來名淶者聲氣相通門下黨羽甚衆更有

推盤手車子多人皆暗受其約束素有大志非止
一日知交十年矣今歲九月間又見姓夏的還是
這樣說話約會犯人前往纔到鎮江被差人喚來
故不會去外有一箇常二係回教固始縣人曾在
光州充過快手因賣放賊犯革役彼時雖尚無別
念但本事利害勇不可當見面就甚相好他兄弟
二人哥子是箇老實的等語相應專差密咨拏解
等因到臣臣隨委開封府通判于林帶同浙江來

員前往固始縣會同該州縣拏獲究訊羽黨嚴拏
解浙并密行按察司轉行去後嗣據詳稱拏獲夏
林生訊據供明周姓係武生周圖廉并稱周圖廉
做小車會頭曾見周圖廉在方家集上設桌收錢
伊兄周圖德幫收又有范廷侯范廷九范四胡國
璽胡國英梅錫齡丁蘭生孫國彩俱與周圖廉結
拜周圖廉常說我們雖然窮困中了還有出頭日
子這就是他素有大志康熙五十八年替周圖廉

帶一封書與周崑來是聲氣相通其推盤手車子
即通行的二把手小車子雍正七年九月內會見
甘鳳池叫周圖廉到鎮江去會十一月二十二日
向周圖廉說知周圖廉說年近了弄不出盤纏明
年去罷等語隨將周圖廉周圖德范廷侯范廷九
范四胡國璽胡國英丁蘭生孫國彩并常二及周
圖德供出收小車會錢之周錫文拏獲經署光州
事通判金承勲委固始縣典史潘允瀚同浙江來

員顧言并選撥兵役移會沿途營縣一體撥護於
雍正七年十二月二十九日由固始縣起解赴浙
與甘鳳池質審去訖其梅錫齡一犯因出外未獲
現在嚴拏等情詳報到臣除各犯聽浙江督臣審
明具

奏外所有浙江督臣李衛密咨查拏夏林生等及臣
委員護解緣由理合恭摺奏

聞謹

奏

此案已差部臣往浙審理矣李衛能於衆所忽處留心
察究殊屬可嘉斯種匪類為生民害甚於盜賊孟子所
謂惡莠恐其亂苗也每見地方大小臣工以為不急之
務率皆膜視偶或形迹發露猶多方掩覆以博安靜之
稱直省督撫中著意搜剔者惟李衛最勤是以朕深取
之淺見無知輩則目為多事也

同日又

奏為奏明武職養廉仰請

聖裁事臣查雍正七年九月內准到兵部議覆南陽鎮
臣馬世龍疏請買補缺額親丁馬匹一案內稱南
陽鎮所食馬糧四十八分應令該鎮遵例於標下
步兵內拔補充伍其親丁應食名糧於步兵缺內
照例頂補如遇離任即將所食步兵名糧交與接
任官隨丁頂補報部竝通行各省遵照等因移咨
到臣隨即轉行遵照在案臣查定例提督親丁糧

八十分總兵六十分副將三十分叅將二十分遊
擊十五分都司十分守備八分千總五分把總四
分從前各官親丁內有全食馬糧者有馬多步少
者有上司佔食馬糧而屬員多食步糧者此外復
有空糧如提鎮則虛冒百十餘分副叅遊擊則數
十分都守千把等官亦各多少不等營中更有扣
留之公費糧幫貼糧紙張糧大抵皆藉端朦混朋
比分肥所有虛冒私佔之數恒倍於親丁原定之

額邇年以來仰蒙我

皇上加意戎行

訓誨鼓舞莫不奮興整飭河東兩省營伍陋習革除殆
盡惟各官親丁養糧歷任相沿馬步兼食其來已
久茲准部議通行改步伏查步糧一分除每月支
米一斗外扣去朋銀小建實支餉銀九錢有零每
年十二箇月合計共支餉銀十一兩四錢有奇提
督親丁八十分每年約支餉銀九百二十餘兩總

兵六十分約支餉銀六百八十餘兩副將三十分約支餉銀三百四十餘兩叅將二十分約支餉銀二百二十餘兩遊擊十五分約支餉銀一百七十餘兩都司十分約支餉銀一百一十餘兩守備八分約支餉銀九十餘兩千總五分約支餉銀五十餘兩把總四分約支餉銀四十餘兩臣思提鎮列在封疆不惟食指浩繁其經年差使酬應操兵犒賞之類均難缺費副叅遊守等官家口多寡不等

大約不下數十人微至千把亦有八口今以步兵
親丁名糧計之量入為出實有不敷夫分職授糈
者

朝廷之典先事後食者臣子之義我

皇上深仁恤下無不周至必欲其養贍寬裕俾得盡心
公事以勵操守況武職親丁糧尤為計口待哺之
需此外別無所資倘內顧不給而不肖員弁又或
藉端蠹伍扣剋虛冒等弊更將因以滋起臣愚謂

親丁名糧似應少為酌定如提督八十分應給馬步各半竝其俸薪一年約可得銀二千兩總兵六十分約可得銀一千四百兩副將三十分約可得銀八百兩叅將二十分約可得銀五百兩遊擊十五分約可得銀四百兩都司十分約可得銀三百兩守備八分約可得銀二百兩千總五分約可得銀一百兩把總四分約可得銀八十兩如此則較於全食步糧豐裕過半庶武弁養贍有資益加勉

勵操守整飭營伍圖報

聖恩矣臣仰荷

主眷隆逾常格凡有見聞不敢緘默無言是否可行伏
乞

聖明裁鑒倘蒙

俞允仍祈

宣諭直省畫一酌定普天率土均當欽頌

鴻慈永於萬世也為此密摺謹

奏

兵部議覆通行改步一案朕偶爾忽畧未及細心裁奪
彼時因何依允追思所以然之故竟不可得俟查明端
緒酌定後另有諭旨

同日又

奏為恭報雨雪日期仰祈

睿鑒事雍正七年十二月二十七日開封得有瑞雪經

臣恭摺奏

聞續據各屬具報均於二十六七等日得雪三四寸不
等茲開封省城又於雍正八年正月十六日先降
微雨繼以大雪自寅至酉約得五寸闔屬地方亦
於是日各得雨雪四五六七八寸不等均稱沾被
調勻土膏滋沃現在麥苗俱長二寸有餘青蔥遍
野婦子咸歡所有雨雪分寸日期理合恭摺具

奏仰慰

聖懷再東省濟南一府泰安濟寧兩州竝所屬各縣據

報正月十六日亦各得雨雪三四寸不等統俟各屬報齊臣再續具奏

聞伏乞

睿鑒謹

奏

初春即被膏澤實屬可慶今歲上元前後數日雨雪

天恩甚溥山右通省均霑直隸亦然頃據陝西復報得雨

朕深為欣幸而愈增寅畏絲毫不敢少肆志也

雍正八年二月二十五日河東總督臣田文鏡謹
奏為遵

旨行文事雍正八年二月初七日准內閣移會內開本
年正月十八日奉

上諭山東青州府設立滿洲駐防官兵所有建造城垣
營房工程著御史偏武侯補道員陳豫朋前往會同
地方官監督修造其一應如何修造之處著都統拉
錫亦往青州會同相度經畫定議交與偏武等辦理

拉錫仍回天津地方拉錫有素知可以辦工之人准其帶往青州留於工所交與偏武等派委辦事偏武所管倉工著交與御史趙華監修再著內務府總管常明監管稽查欽此欽遵移會到臣仰見我

皇上綏輯海邦

睿謨弘遠

命官分理鉅細靡遺臣聞

命之下不勝欣幸臣查青州建造滿城工程浩大一切

估勘核算繪圖造冊查議採辦督理各項頭緒紛繁均應先為酌定當即專委登萊青道孫蘭芬總理其事青州府知府廣壽經管察核其餘佐雜等員揀選預備分頭委用惟事屬創始其衙署營房規式竝無舊例可循隨移咨直隸督臣衙門查取天津建造滿城規式斟酌確估至青州府城外舊城基址先據勘報共計大地一十二頃五十一畝零今滿城擇建於西南角平坦之處丈出大地六

頃四十六畝建造衙署營房竝留大街馬道止須
大地五頃九畝尚餘一頃三十餘畝將來滋生人
丁添蓋房屋均可足用等情臣因建造滿營關係
永遠駐防基地最宜詳慎其城內規模似再須寬
大其需用磚瓦土坯石料石灰等項有無官地開
設窯座亦令查議明確招募工匠承攬置辦惟有
木植一項初議赴南採買節據孫蘭芬稟稱需用
木植約計十五六萬之多若盡赴南採辦必由江

南太倉州劉河口出海運至山東膠州又自膠州
陸運至青州計程三百六十里路經高密草場湖
地一遇雨水泥濘難行車輛不能輓運脚價倍費
今查東省民間榆楸槐楊等木俱皆堅實恣可取
材以資工用請於附近青郡之各縣就便選購榆
楸等樹先令匠人看定量材取用照時價平買其
不敷木植再行赴南採購既可省運脚之糜費又
可令匠役先興工作等語續據山東布政司今陞

湖北撫臣費金吾詳稱東省榆楸槐楊等木不堪
經久易於朽蛀兼之隨伐隨做滋漿尚存木性不
堅況青菜等郡大木非係道路壇塋蔭木即係老
民老婦留以需用者今聞各縣採號甚拂民情無
寧少遲時日赴南採買其標椽鋸板小木應即於
青屬附近地方照依平價採買等情臣查北省修
建衙署及民間富室蓋造房屋俱用榆楸槐楊等
木竝無越省遠購之事亦未有致被蟲蛀不堪經

久者况南木委員採辦往返期遠今附近所買樹木其百姓先自砍伐者已將乾燥其現議買伐者去皮斲削待至南木到日亦已堅燥可用豈復尚存滋漿至於道路壇塋一切古木蔭樹臣已明白飭禁不許買伐所云蔭木之外盡係老民老婦留以需用更為不經必無此理總緣東省百姓向苦官役詐派一聞選買樹木唯恐克作官用不給價值即或給價十不償一反多運交守候之苦或不

免於疑慮相叅迨臣劉切曉示破其疑團飭令先
買後伐預給時價一切雇車運送之事毫不累及
小民賣樹獲利何至甚拂其情且木料需用甚多
一尋一丈必欲出自南產需時滋費豈爲良策臣
知費金吾見聞未確誤聽人言當即一一指駁竝
令確議造送估冊尚未據報到茲蒙我

皇上垂念工程緊要

特遣御史偏武等會同地方官監督修造竝

命都統臣拉錫來青相度

聖慈遠注鉅細無遺俾大工仰藉有人實深慶幸臣正
繕摺恭

奏間適

欽差御史臣偏武抵河南省城臣將一切原委面與備
敘情形其應如何修造之處統俟都統拉錫到東
經畫定議臣仍札諭登萊青道孫蘭芬等協心贊
理所有料理滿營事宜竝御史臣偏武到豫日期

合併恭摺奏

聞伏乞

睿鑒謹

奏

覽奏知卿欲即在青萊等處採買木植以圖省便但榆
楸槐楊四種內惟槐木稍堪經久而又難多得殊與朕
意不甚相洽且此項工程不須急促辦理便遲至經歲
無妨拉錫曾中頗有見解俟其到日令承辦各官與之

商酌由南購載如慮滋費需時或從北直採辦運往較
稍勝否更會同偏武周詳妥議本省覓買雜木之舉總
宜暫緩倘臨時必用就近取材以資營造尚不致有遲
誤也於此等事無庸過費精神差委京官前來正為欲
卿減省心力庶得經畫地方緊要政務之意卿其知之

同日又

奏為欽奉

上諭事竊照疏濬山東江南等州縣水道使歸宿於海

一案奉

上諭先期派出原任侍郎阿克敦原任巡撫陳世倌甘
汝來同司督修之事一切辦理機宜悉聽田文鏡嵇
曾筠孔毓珣尹繼善籌畫調度工料等費悉動帑金
支給臣欽遵轉行間又奉

上諭水道工程俟孔毓珣嵇曾筠尹繼善等會題到日
再著阿克敦甘汝來前往辦理陳世倌著暫在曲阜
工程候信俟阿克敦等至山東時一同前赴工所欽

此臣查此案前經署山東巡撫臣費金吾

奏明經王大臣等議覆應令費金吾會同臣田文鏡
嵇曾筠尹繼善詳確斟酌定議當於雍正七年閏
七月內會委山東兗寧道呂維炳徑詣沛縣荆山
口一帶會同江南委員淮徐道康弘勲將張孤山
十字河等處查勘如何開濬其沛縣下流入運河
身竝自彭口以下遇雨水過多之時可否不致礙
運有無支河分流濟寧等州縣應開之河下流豐

沛入運入黃最有關係一併確查妥議詳報去後
嗣據詳稱濟寧等州縣積水由南陽昭陽微山諸
湖下注一案查自微山湖尾閘起歷張孤山至計
家山原係淤墊應挑濬河渠一十五里自計家山
至荆山口計程二十五里水勢通流毋庸疏濬自
荆山口橋東起抵三岔河一百四十里河身悉屬
寬廣其三岔河東岸原有洩運河異漲入駱馬湖
去路上游洩下之水可以從此分洩一半入湖三

岔河迤下十二里至貓兒窩此處運河狹窄其分
洩一半入運之水誠恐急不能容查貓兒窩十二
里至馬莊有減水閘一座又十里至萬莊亦有減
水閘一座再於此二閘適中之處照式添建減水
閘兩座又八里至瑤灣有減水竹壩一座又六里
至牛頭三灣有減水草壩二座以上四閘三壩可
以洩水入湖以保運道及水入湖行六十五里至
宿遷之三合土壩由五花橋匯歸劉老澗壩下河

內歷桃源清河沭陽安東海州計程三百五十餘里止有安東沈家集迤下一帶地勢低窪河道淤淺應行挑濬之處約計一百餘里其餘河道悉屬深通但六州縣兩岸堤堰均屬卑淺殘缺應須增築高厚其自龍溝以下即係大河可以引水入海順軌通行諸水皆有歸宿等情臣查此案勘議開通工程既大民生漕運關係尤深自應仰體

宸衷審度兩省地勢高下情形務須悉心區畫使上源

積水條分支幹節節疏通而下游受水之區更宜
詳慎容納源源接引即遇雨水異漲亦得循軌安
流俾民舍田廬永無淹漫首尾貫通暢達於海臣
因未得親往查勘於正月內河臣嵇曾筠因公查
勘路過開封臣隨面與計議總期詳慎妥協一勞
永逸又會委克寧道呂維炳趁此春融水涸立即
會同江南淮徐道再加查勘確議臣復揀選河南
河內縣縣丞林逸熟悉河務檄令該道帶往由上

而下一路測量水平先將東省上源濟寧汶上嘉祥鉅野曹單城武金鄉以及魚沛等州縣遍加履勘逐一探明高下情形將應挑應浚之道里遠近丈尺寬深詳加確估明白務使水無壅滯節次導引匯歸湖河其湖水瀦蓄宣洩必欲虧盈得宜而於漕運民生兩無妨礙再將江南下源各處應挑應築水道工程勘估妥協繪貼圖說造冊詳報以憑河臣嵇曾筠孔毓均等親履查勘之後臣與會

商定議再為具

一切籌畫調度悉合機宜

題所有委勘水道各情形合先

奏明抑臣更有請者充寧道呂維炳現經江南河道督臣孔毓珣於河庫河務均關重大案內

題請調補淮徐道業經奉

旨俞允惟是呂維炳節經臣等會委查勘山東江南兩省水道及各處湖河閘壩一切高下地勢情形均已熟悉現在勘估未竣如令前赴新任勢必另委

別員事經隔手頭緒不諳恐有稽延舛錯之處臣
仰懇

聖慈將呂維炳暫留充寧道任俟此案勘估造冊定議
具

題之後再令前往新任庶大工得以早興兩省羣黎
共登衽席矣臣為勘估重務起見冒昧
奏請伏乞

睿鑒謹

奏

呂維炳熟悉水道情形暫留東省所請是嵇曾筠亦經奏請但淮徐道之任既司出納而又兼管河務甚屬緊要候朕與大學士等再加斟酌有旨

同日又

奏為恭報河東兩省同沾雨雪日期仰祈

睿鑒事雍正八年正月十六日豫省闔屬得雪分寸經

臣恭摺奏

聞欽奉

硃批諭旨初春即被膏澤實屬可慶今歲上元前後數
日雨雪

天恩甚溥山右通省均沾直隸亦然頃據陝西復報得雨
朕深為欣幸而愈增寅畏絲毫不敢少肆志也欽此
仰見我

皇上敬

天勤民嚴於宥密是以誠格

穹蒼惠綏兆庶普天率土之廣靡不共慶時若也茲查本年正月三十日河南開封等屬降雪三寸通省地方均於是日各報得有雨雪三四五六寸不等又山東闔屬於正月二十二日並三十日得雪四五六七八寸不等俱稱沾潤深透麥苗滋長現今五風十雨郊野勻和臣惟有與兩省官民益勤職業以仰副愈增寅畏之

聖訓庶以上承

深宮乾惕之

睿懷而已所有河東兩省同日得雪分寸理合恭摺奏

聞伏乞

聖鑒謹

奏

百凡總仰賴

上蒼錫佑耳人力亦何足恃

同日又

奏為添修豫省各營軍器仰祈

睿鑒事臣查兵丁甲械帳房關係軍需以備差操行走
其有缺少朽敝者自應查明添修務令堅固齊全
以資實用經臣屢檄通飭前據臣標左右兩營並
南北兩鎮各將所缺盔甲烏鎗帳房鑼鍋等項呈
請修製前來當經飭司會同鎮營確查妥議並飭
將應添應修各項分別查明勿令濫開浮冒仍將
需用添修價值逐一開造清冊詳送核

奏隨據署布政司事按察使陳世倬會同查明臣標
左右二營馬兵舊有盔甲朽敝不堪應按數製造
馬兵花盔甲二百頂副步兵舊有鐵盔甲朽爛不
堪且行走難於攜帶應改造綿盔甲輕利有益除
出征兵丁製過綿盔甲一百九十二頂副竝現有
綿盔甲二十四頂副外尚應添造綿盔甲五百五
十頂副除舊有堪用烏鎗外應修整烏鎗九十桿
除新製帳房四十三頂外尚應添造不敷帳房九

十二頂應添製梅花椿一百三十五副除舊有鑼
鍋堪用外尚應添製不敷鑼鍋二十二口共需銀
二千五十五兩零南陽鎮屬七營除雍正三年內
新製竝舊有堪用各步兵綿廬甲外尚應修整綿
廬甲六百七十八頂副除雍正二年新造烏鎗外
尚應改造烏鎗二百四十桿添造烏鎗八百八十
三桿除雍正六年新製竝舊有堪用各帳房外尚
應添造不敷帳房三百一十七頂應添製梅花椿

六百一十七副除雍正六年內新製並舊有堪用
各鑼鍋外尚應添造不敷鑼鍋二百七十九口共
需銀三千七百七兩零河北鎮屬九營除舊有馬
兵花盔甲堪用外尚應添造馬兵花盔甲一頂副
除雍正三年新製並舊有堪用各步兵綿盔甲外
尚應添造綿盔甲九十二頂副除舊有堪用鳥鎗
外尚應修製鳥鎗二百零八桿除舊有堪用帳房
外尚應添造不敷帳房四十二頂應添製梅花椿

三百八十六副共需銀六百八十七兩零以上臣
標左右兩營南北兩鎮通計估用銀六千四百四
十九兩零謹將各項工料數目另繕清冊恭呈

御覽臣查修製標鎮各營甲械應動庫存公項銀兩惟
是南陽鎮衙門查有收貯前任革職總兵佟世麟
所收節禮陋規銀一千八百三十三兩零又前任
署總兵李永陞收受軍政舊規銀二千四百九十
兩又前任鎮標中軍遊擊王瑞材收受佟世麟所

給盤費銀六十兩以上共銀四千三百八十三兩
零現俱存貯該鎮衙門留備公用之需今該鎮各
營添修廬甲烏鎗帳房鑼鍋等項需銀三千七百
七兩零即應在此項存貯銀內令其照數動用不
必另行撥給至臣標左右兩營需銀二千五十五
兩零河北鎮屬需銀六百八十七兩零俱應在藩
庫所存公項銀內照數撥給速為修理俟事竣臣
再確查報銷竝將南鎮所動存貯銀兩一併查取

清冊咨部理合恭摺具

奏仰請

諭旨遵行為此謹

奏

覽

傳為斗朕因念伊前人擢用今職觀其質地止不過誠
慤而已未見所長或恐弗克勝任然歷俸日久營伍事
務想應諳練也卿意以為何如

同日又

奏為欽奉

上諭事竊臣查各省志書一案雍正七年二月內准戶部咨開奉

上諭著各省該督撫將本省通志重加修輯務期考據
詳明採摭精當既無闕畧亦無冒濫以成完善之書
如一年未能竣事或寬至二三年內纂成具奏欽此
仰見我

皇上慎重紀載表彰人物詳微一代之文獻永垂萬世
之章程必須選擇品學兼優之人任以考校修輯
之責臣准部咨當即轉行河南布政使速為聘訪
學問淹貫人員擇日開局因本省甚難其人河臣
嵇曾筠薦有江南無錫縣辛丑科進士顧棟高學
問淵博堪膺斯任隨即專人往聘於今歲正月內
到豫又選有教諭朱超傳夢賚羅倬學正張星煜
李洛均係文理優通堪膺分校之任業已陸續傳

欽定四庫全書

石印書

卷一百二十六之十九

五十四

齊在省今擇吉於本年二月十二日併送入大梁
書院內開館纂修其一切安置並湏用器具及供
應筆墨紙張食物等項應請在於存公銀內陸續
給發統俟事竣之日查造清冊逐一確核報銷臣
再另行恭

奏所有豫省志書開館纂修日期并應請動支公項
緣由理合恭摺奏

聞伏乞

睿鑒謹

奏

筆墨之事固不宜忙迫然亦不宜甚遲作速纂修完竣
庶可杜請託營求之弊也



硃批諭旨卷一百二十六之十九